

近代中國史料叢刊續編第三十七輯
沈雲龍主編

庚子京師褒恤錄

王守恂編

文海出版社
有限公司
印行

廉

褒

血

張壽敬
題

子

京

陟

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



庚子京師褒卹錄序

吾鄉喬亦香以殘書一束示守恂曰此庚子京城失陷殉難諸人賜卹案據裕小彭先生付余編定者也且諄諄相告曰今國事變矣家事又死亡相繼餘年衰退不復能編輯其爲我卒成之小彭先生旋卽棄世在耳遺言愧無以報願吾子卒成其事焉守恂與小彭先生同官深服其爲人亦香又守恂執友乃受而讀之率皆隨時抄撮旣無體例可循又無見聞可證循覽再四自念編輯一書欲傳於後必信於今因事起例爰以奉飭留京辦事處查訪殉難諸人諭旨冠諸篇首明此事之緣起也繼以年月先後將累案累次奉准賜卹諭旨恭錄於前將各本案

原奏附錄於後以諭旨爲綱以原奏爲目一稟王言案皆有據
庶幾可信於今可傳於後也小彭先生往矣不知編輯之例有
合於先生之意否也紀聖恩表忠烈大旨相符其亦可以告無
罪矣惟是庚子至庚申匆匆二十年矣守恂以叢咎之身偷生
苟活尙何言哉今輯是錄讀者不以人而廢之可耳庚申十一
月天津王守恂謹序

光緒二十六年閏八月二十一日奉 上諭此次洋兵進城
在京文武大小各員如有矢志殉國臨難捐軀者亟應予以旌
揚以彰忠節著留京辦事大臣崑岡等會同順天府詳細確查
奏明請旨辦理倉場侍郎長萃劉恩溥現在何處著一併查明
具奏將此各諭令知之欽此

光緒二十六年九月二十四日內閣奉 上諭前因京師大

小文武官員如有矢志殉節臨難捐軀者朝廷允宜褒揚以彰忠藎當經諭令崑岡等確查茲據查明覆奏黑龍江將軍延茂國子監祭酒熙元翰林院侍讀宗室寶豐崇壽均經降旨賜卹其餘單開各員已交軍機處酌核具奏此外滿漢各員尙有殉節未經查出者著崑岡等再行續查奏明請旨辦理欽此

又奉 上諭崑岡等奏大員闔門殉節代遞遺疏一摺將軍延茂持躬恪謹秉性篤誠由部曹補授京卿歷任駐藏幫辦大臣吉林將軍均稱厥職本年簡放黑龍江將軍尙未赴任七月間臨難捐軀從容就義洵屬大節凜然延茂著追贈太子少保

銜加恩予謚入祀昭忠祠照將軍例賜卹任內一切處分全予開復應得卹典該衙門察例具奏伊妻李氏同伊兄弟之妻唐氏董氏李氏李氏陳氏並姪女四人同時自焚盡節性尤慘烈允宜特予旌揚以彰貞節李氏等均著准其旌表該部知道伊子主事肇鴻著俟服闋後以員外郎分部行走用示篤念忠蓋至意欽此

又奉 上諭崑岡等奏查明儒臣殉節籲懇恩施一摺國子監祭酒熙元於本年七月間目擊時艱憂憤難已仰藥殉難洵屬見危授命忠節凜然著加恩予謚並追贈侍郎銜照侍郎例賜卹其嫂富察氏及其妻費莫氏同時殉難允宜特予褒揚以

彰貞節富察氏費莫氏均著准其旌表並著崑岡等確察該祭酒有無子嗣奏明請旨辦理其前經賜卹之國子監祭酒王懿榮一併加恩予謚該衙門知道欽此

又奉 上諭崑岡等奏詞臣殉節懇恩賜卹一摺翰林院侍讀宗室寶豐品端學粹清簡持躬特命在弘德殿行走克勤厥職茲因七月間臨難捐軀從容赴義洵屬大節凜然著加恩予謚追贈太常寺卿銜照三品卿例賜卹伊子承良著賞給主事俟及歲時分部行走以彰忠藎欽此

又奉 上諭崑岡等奏詞臣殉節懇恩賜卹一摺翰林院侍讀崇壽身列清班克勤厥職本年七月間目擊時艱見危授命

尚屬大節無虧著加恩予謚追贈太常寺卿銜照三品卿例賜
卹伊子桂馨著賞給主事俟服闋後分部行走以示篤念忠藎
至意欽此

光緒二十六年九月二十八日內閣奉

上諭前據崑岡等

奏遵查殉難各員請旨賜卹一摺當經諭令軍機處酌核具奏
茲據該大臣等開單呈覽或臨難捐軀或闔門殉節允宜悉予
褒揚以彰忠烈黑龍江將軍延茂之弟無品級司庫延芝著照
七品例從優賜卹前任奉天府府尹福裕著開復原官從優賜
卹伊妻張氏弟婦愛新覺羅氏薩圖克氏杭阿坦氏姪女二名
均著准其旌表伊長子兵部員外郎衡璋著以郎中卽補候選

道前浙江紹興府知府繼恩著照道員例從優賜卹伊妾張氏
姪婦瑚雅氏族孫女一名均著准其旌表二等侍衛世襲一等
子爵鍾祺著照頭等侍衛例從優賜卹一品封典富謙及伊姪
三等侍衛五福均著從優賜卹記名副都統世襲三等子爵文
福著照副都統例從優賜卹伊子婦劉氏女一名姪婦伊爾根
覺羅氏呼都哩氏姪孫清霽清霽姪孫女三名均著准其旌表
二等侍衛兼公中佐領全成著照頭等侍衛例賜卹伊妻樸佳
氏子婦宗室氏次孫英綬三孫國史館繙譯官英緒均著准其
旌表護軍參領兼司鑰長世襲雲騎尉續林著照副都統例賜
卹伊妻顏札氏次子崇岡姪崇福姪婦白氏姪孫女三名均著

准其旌表世管佐領兼雲騎尉德續著照參領陣亡例從優賜
卹副尉塔芳阿著照翼尉例賜卹伊妻戴氏子清林子婦瓜爾
佳氏孫女一名僕婦劉氏均著准其旌表該衙門知道欽此

附原奏

謹 奏為遵

旨覆陳恭摺仰祈

聖鑒事光緒二十

六年九月初四日接奉軍機大臣字寄閏八月二十一日奉

上諭此次洋兵進城在京文武大小各員如有矢志殉

國臨難捐軀者亟應予以旌揚以彰忠節著留京辦事大臣
崑岡等會同順天府詳細確查奏明請旨辦理倉場侍郎長
萃劉恩溥現在何處著一併查明具奏將此各諭令知之欽

此欽遵寄信前來等因_臣等查本年七月二十一日洋兵進城事出倉卒捐軀殉國者到處皆有_臣等已於設立留京辦事公所後行文八旗暨順天府等處查詢在案惟自洋兵占踞京城衙署以來所有各旗員暨各衙門漢員是否在京無從查問礙難拘滯旗籍取具圖片漢籍取具印結成案辦理現在僅據該殉節諸_臣家屬呈報名口數目開單具奏應如何加恩之處出自聖主鴻施嗣後如有續經呈報者仍由_臣等隨時奏聞以廣皇仁而彰忠藎再倉場侍郎長萃劉恩溥現均在京合併陳明伏乞

后 皇上聖鑒謹 奏

再據前吉林將軍延茂之家人金瑞林呈稱家主延茂於七月二十一日由安定門防守下城憂憤自矢以死報國繕就遺摺囑爲代遞隨即引火全家自焚因道路梗阻以致無從呈遞等因呈請代奏前來理合附片陳明伏乞 聖鑒

謹 奏

謹將在京文武官員家屬殉節各情摘錄原呈恭呈 御覽

計開

前吉林將軍延茂之家人金瑞林呈報家主延茂於七月二十一日由安定門防守下城矢以死報於二十二日黎明同

家主母李氏無品級司庫延芝妻唐氏七品筆帖式候選通判延蘭之妻董氏已故筆帖式延薰之妻李氏已故筆帖式候選知縣延衡之妻李氏已故國子監學正學錄延蕙之妻陳氏延芝之女延蘭大女二女三女共十二名口闔家引火自焚殉節家主之胞兄前任浙江鹽大使延芹嫂金氏堂弟延蘭家主之子主事肇鴻年十九歲延蘭之子候選筆帖式肇騏延芝之子肇駿均十六歲遇救得生等因係內務府正白旗漢軍世綱佐領下人

國子監祭酒熙元之家人王興呈報家主熙元因丁憂在家七月二十一日城守失防憂憤難已遂同家主母費莫氏嫂

富察氏仰藥殉難等因係正白旗滿州

翰林院侍讀宗室寶豐之胞弟寶焜呈報胞兄於七月二十一日城破隨扈不果自題絕命詞云忠孝節廉本乎天性見利思義見危授命嗚呼寶豐不失其正隨卽吞金自盡伊子承良年紀尙幼等因正藍旗滿州第八族族長宗室寶焜佐領下人

翰林院侍讀崇壽之胞弟崇煒呈報胞兄於七月二十一日城破隨扈不果遂卽仰藥自盡伊子桂馨年十七歲等因係廂黃旗滿州阿洪額佐領下人

三品頂戴奏蒙古事二等侍衛兼公中佐領全成之家人全

安呈報家主於七月二十一日京城淪陷自言年邁不能隨
扈同妻樸佳氏子婦宗室氏次孫英綬三孫 國史館繙譯
官英緒同時仰藥殉節家主長子欽天監五官正桂芾長孫
理藩院筆帖式英榮現存等因係正藍旗蒙古崇啓佐領下
人

花翎頭品頂戴前奉天府府尹福裕之子姪兵部員外郎衡
璋刑部員外郎衡玖閑散銜鎔等呈報職父福裕母章氏於
七月二十一日京城淪陷偕孀母原任湖南澧州知州福昌
之妻愛新覺羅氏原任內閣學士福楸之妻薩爾圖克氏並
其女係本年四月奉 旨指婚醇親王內閣侍讀學士福

卷一
敏之妻杭阿坦氏並其女均同時仰藥投井殉節等因係正
紅旗蒙古文翰佐領下人

二等待衛世襲一等子爵鍾祺之親兵劉永春呈報營總鍾
祺由二等待衛經 欽差大臣李秉衡奏調派充營務處

總辦馳赴前敵七月十七日李秉衡殉節卽將其遺骸成殮
派隊送歸河南後營總趕緊入城二十一日京城失陷遂自
縊殉節長子廕生榮森年十八歲次子榮剛年四歲等因係
廂黃旗漢軍普連佐領下人

一品封典富謙之子刑部筆帖式斌福呈報於七月二十一
日洋兵進城後遵父命攜兩姪逃往瑩地避亂故父率領闔

家殉難適降服兄文福兵敗歸家請命職父一品封典富謙
隨同胞兄三等侍衛五福並妻伊爾根覺羅氏次子清霽女
小胖姑娘降服兄花翎記名副都統世襲三等子爵文福並
妻呼都哩氏次子清霽長女大胖姑娘次女竹姑娘職姊三
姑娘職妻劉氏一同用火自焚斌福攜帶胞兄五福長子清
霽年十歲降服兄文福長子清霖年十二歲進城悉知各情
等因係正黃旗滿州文溥佐領下人

三品頂戴世管佐領兼雲騎尉德續之子閑散煜通呈報親
父經 欽差大臣李秉衡咨調派充委員正在京料理聞
前敵失利自稱受 恩未報遂於七月二十日赴敵戰至

亥刻在東直門角樓下中傷陣亡等因係正白旗漢軍

護軍參領兼司鑰長世襲雲騎尉續林之家人夏升呈報家主於七月二十一日洋兵入城隨扈不能用刀將次子崇岡長姪孫女次姪孫女三姪孫女殺死家主同主母顏扎氏暨胞姪護軍校崇福姪婦白氏均經自縊夏升將主人長子崇謙年十三歲挾出藏於附近等因係正藍旗滿州廉煦佐領下人

花翎二品銜候選道前浙江紹興府知府繼恩之子媳已故會典館謄錄官錫元之妻索綽羅氏呈報錫元之父繼恩於七月二十一日洋兵進城率同胞姪婦已故廕生戶部候補

郎中錫光之妻覺爾察室瑚雅氏本族孫女岳姑娘繼恩之妾張氏闔家自焚殉節索綽羅氏遇救得生等因係正黃旗滿州恩榮佐領下人

皇城內專缺副尉塔芳阿之胞姪工部候補員外郎魁林呈報於七月二十一日洋兵進城胞叔塔芳阿同妻戴氏子馬甲清林媳瓜爾佳氏孫女榮妞僕婦劉氏闔家自縊殉節等因係正紅旗滿州那丹珠佐領下人

光緒二十六年十月二十九日內閣奉 上諭崑岡等奏大

員闔家殉節懇恩優卹一摺宗室奕功秉性篤誠當差勤慎歷
充奉宸苑卿鑾儀使正白旗護軍統領正白旗滿州副都統御
前侍衛均稱厥職本年七月間日擊時艱憂憤自盡洵屬見危
授命忠義凜然著賞加太子少保銜照都統例賜卹入祀昭忠
祠並加恩予諡以彰忠蓋其妻祥佳氏率同伊子載捷及其妾
瑞氏宋氏李氏並女五人闔家投井殉難忠節萃於一門均著
准旌表該部知道欽此

附原奏

謹 奏爲據情代奏仰祈 聖鑒事竊臣等接准 御

前侍衛正白旗滿州副都統正白旗護軍統領鑾儀使奉宸苑卿宗室奕功之家人祥瑞呈報竊家主世受 國恩奉職宿衛趨公昕夕勤慎當差不料於七月二十一日洋兵入城

鑾輿西巡家主因路途梗塞未能隨 駕扈從寔深

憂憤自矢以死報 國藉免愆尤家人再三勸阻無如家主

志堅如石遂於二十二日巳刻引火自焚家主母祥佳氏見家主殉節率同親子載捷妾瑞氏宋氏李氏女二姐三姐四姐五姐六姐闔家投井殉節等因呈請代奏前來應如何加

恩之處恭候 聖主鴻施謹恭摺奏 聞伏乞

皇太后 皇上聖鑒謹 奏

光緒二十六年十一月初八日內閣奉 上諭袁世凱奏大

員殉節籲懇恩施據呈代奏一摺二品銜國子監祭酒王懿榮
敦品績學持躬清正侍從南齋迭承恩眷平日夙懷忠義思濟
時艱本年七月間臨難捐軀從容就義洵屬大節凜然加恩著
追贈侍郎銜照侍郎例賜卹其妻謝氏及其長子婦張氏亦同
時殉難忠烈孝義萃於一門允宜特予褒揚以彰貞節王謝氏
王張氏均著准其旌表伊長孫王福坤著俟服闋後以主事分
部行走該部知道欽此

附原奏

此件原闕
今補錄

山東巡撫臣袁世凱跪

奏為據情代

奏籲懇

恩施

恭摺仰祈

聖鑒事

臣

據在籍紳士五品卿銜前合肥

縣知縣孫葆田翰林院庶吉士宋書升等十七人聯名呈稱

已故

欽命京師團練大臣

南書房翰林二品銜國子

監祭酒王懿榮家傳清白世篤忠貞由翰林大考一等洊擢

祭酒本年五月復爲京師團練大臣嘗言受任愈鉅圖報愈

難感奮之忱溢於言表七月二十日洋兵入東便門該大臣

猶激勵團勇出爲抵禦未幾潰兵塞途人心惶亂團勇遂不

能成軍該大臣見勢不支歸顧家人曰吾身渥受

君恩

又膺備禦之責今城破義不可苟生家人環跪泣勸輒厲斥

之遂仰藥未卽絕復投井中死其妻謝氏及其長婦已故辛

卯科舉人崇燕之妻張氏亦同時殉節八月初二日經吏部
右侍郎張英麟撈獲忠骸代爲棺殮其案上遺絕命詞文曰
主憂臣辱主辱臣死於止知其所止此爲近之末書團練大
臣國子監祭酒王懿榮等字於此見其學識素定堅忍卓絕
早置身家於度外矣查該大臣服職勤勞持躬清正覩狂瀾
之旣倒視死如歸痛一木之難支擲生有恨妻殉夫而盡節
婦隨姑以殞身鬱忠憤於九泉勵德行於百世允宜上邀

曠典以備異日史乘之光

職

等桑梓誼關闡揚志切見聞

旣確用敢代陳呈請據情代

奏籲懇

殊恩以慰幽魂

再該大臣有子三人長辛卯科舉人崇燕已故次甲午科舉

人二品銜直隸候補道崇烈出嗣其已故胞弟懿霖三崇煥
長孫福坤卽其故長子崇燕妻現同殉節張氏所出次孫福
璩崇烈出俱幼讀合併聲明等情具呈前來臣查該故大臣
王懿榮敦品績學譽望翕然當其侍從 南齋久已上邀

宸眷及夫受 恩益渥銜感彌深常思幹濟時艱竭忠報
國一旦遭遇變故之死靡他讀其所自爲絕命詞足以觀
其平日志趣堅定不移卒能履險蹈危從容赴義可謂大節
凜凜皎然不欺者也其妻謝氏及其長婦張氏亦能同時併
命慷慨捐軀忠烈孝義萃於一門洵足矜式人倫風勵薄俗
既據該紳等合詞呈請代 奏臣不敢壅於上 聞應如

何一併 俯賜旌卹之處出自 聖裁所有據情代

奏籲懇 恩施緣由謹恭摺具陳伏乞 皇太后

皇上聖鑒訓示謹 奏

光緒二十六年十一月十六日內閣奉 上諭據崑岡等奏

遵旨續查殉難各員懇恩賜卹一摺當諭令軍機處酌核具奏
茲據該大臣等開單呈覽或臨難捐軀或闔家殉節允宜悉予
褒揚以彰忠烈承襲三等奉恩公葆初著照例賜卹伊長子候
選員外郎廉定著照郎中例賜卹次子候選筆帖式廉容三子
候選筆帖式廉密四子監生廉宏均著照主事例賜卹伊堂弟
分發廣東鹽大使受恆著照知縣例賜卹葆初之母瓜爾佳氏
妻宗室氏子婦巴禹特氏女二名並受恆之妻李氏女一名均
著准其旌表正藍旗蒙古副都統兼公中佐領耆齡著照都統
例賜卹伊子戶部候補主事崇綬著照員外郎例賜卹三等待